

奉天通志卷一百十

物產二 植物

植物下

藥屬 花屬 草屬 木屬

藥屬

人參 契丹國志女真地饒山林土產人參寧江權場以人參爲市新羅貢成形人參金史地理志遼陽府產人參一統志盛京吉林烏拉諸山中產焉邃谷深巖參株叢出歲生滋饒上藥咸珍舊志凡初夏得者曰芽參花時得者曰朶子參霜後得者曰黃草參參鬚參葉參子參膏無不珍之高麗人參贊曰三極五葉背陽向陰欲來求我椴樹相尋頗得其形似按盛京地方行放額爾敏哈勒們參票吉林地方行放烏蘇哩綏芳英莪嶺東

奉天通志

卷一百十

物產二 植物下 藥屬

一

山羅拉密瑪延等處參票乾隆三十八年定例於盛京五部侍郎府尹等官內欽派一員協同辦理停派京員前往每次年請放人參票各將軍等於劊夫回山後察看多寡情形定擬具奏由部給參票紅票分水陸路給發並給腰牌於緊要隘口驗放

盛京通志

人蔘草本方梗對節生葉葉似秋海棠生深山草中較他

草高尺許生者色白蒸熟輒帶紅色紅而明亮者其精神足爲第一等今之醫家俱以白色者爲貴大謬凡掘參者一日所得至晚卽蒸次晨晒於日中乾後有大小紅白非地產之不同土人貴紅賤白蒸蔘之水復以蔘梗葉同煎收膏寧古塔春中生苗多在深山背陰椴漆樹下潤溼處初生小者三四寸許一極五葉四五年後兩極五葉五十年後生三極年深者生四極各

五葉中心一莖俗名百尺杵三四月開花細小如粟蕊如絲紫
白色秋後結子或七八枚如大豆生青熟紅自落

區錄從二極者

俗呼爲二甲子三極者爲燈臺子挖葎者以木鬪忌見鐵採得
者以松楸皮和土裹之其精液竭者謂之啞叭葎不值價又有
海貨蹲樹秧移諸名大概皆移種而成者然亦須五六十年後
始取之其六七年取者爲秧子葎品最遜矣

東華輯要

關東人呼葎

曰貨又曰根子肉紅而大者曰紅根半皮半肉者曰糙重空皮

曰泡視泡之多寡定貨之成色

柳邊紀畧

俗名採葎爲放山又稱挖

棒槌緣禁採諱言葎字耳當道咸以前限禁甚嚴採者例以官
葎爲名領票嗣後弛禁改徵葎稅始任人採掘矣放山者分三
期夏正四五月爲放芽草因百草甫生葎芽萌茁便尋認也六

奉天通志

卷一百十

物產一 植物下 藥屬

二

七月爲放黑草時則叢草濃綠最費辨認八九月爲放紅頭因
葎結子淺紅易認識也及葎子落後又曰放刷帚頭畢事下山
曰輟棍當進山時把頭者領數人至山四望森林不見天日而
把頭則視某山樹頭新秀浮綠者以行至則又驗其草木枝葉
堅茂者卽曰有山蓋非此土性不克生長葎苗其占候察驗純
出乎心得也時卽剝樹皮爲屋稱曰窩棚把頭令其夥排列各
問一丈執一棍名曰索羅棍以棍將草左右撩撥挨步注視瞥
見葎苗卽大聲相呼各人齊至詳細搜覓緣有苗必不止一處
偶見孤苗挺生者千百中十一耳挖葎時量葎草之大小四周
刈草成圍而後向內刨挖一面起土一面用骨簪撥辨草莖恐
妨葎之根鬚也挖出之葎雜以青苔裹以松樹皮俗呼曰棒槌

甬子背負下山製售亦有下山移植葎營者名曰移山葎營俗呼棒槌營乃種葎區也所產名秧子葎道咸前葎營亦在禁例往往官役帶兵清溝用火焚毀自徵稅後無此患矣其種植時先於森林中擇土性相宜處刊木起土尺許攪之鬆細闊五尺長三丈爲一畦預將葎子窖地一年名曰發葎子次年將子漫散畦中覆以土出苗後三四年至秋九十月又移植他畦成隴排列插時復用七尺五寸高之板棚蓋其上往時多有用布者今鮮矣每年擇春秋兩季揭板三五次並當連綿細雨時放雨一二次皆有程期過則倒爛又三四年白露節後方起葎製造名爲做貨做時先將鮮葎用沸水煮之半熟再以小毛刷將其浮皮洗淨用白線小弓將葎紋中塵土剔盡而後用冰髓熬清

奉天通志

卷一百十

物產二 植物下 藥屬

三

汁將葎浸灌一二日上鍋蒸熟再上火盤烤乾亦有不煮水不灌髓而生刷生蒸者名曰麗葎葎營歷年栽植次第製售栽葎一畦俗稱一架棚山民業此者甚多種葎與山葎相去懸絕大抵視根有多節叢莖之上有細粒如珠者及質堅紋細者始爲山葎吉林地記每年七月間入山創葎名曰放山身佩紅線繩數條繩頭繫青銅錢一箇手拄小木板一根披荆撥草蹣跚而行一見葎苗特出則疾趨前大呼之曰棒槌以紅線繩繫之青銅錢鎖之並伏地叩頭以謝山神然後掘出以土包之如大瓮形參以臨江迤東白山迤西一帶岡嶺所產稱最上品湯河左近撫松縣治參園甚多名曰秧參以十二年成參爲上品次則八年參蘆之渦俗呼燈碗一年生一箇確有明證每年六七月間

高麗人輒向湯河參戶以布疋紙張易參而轉售於內地今年
新開龍華岡回長行至十五道溝掌遇高麗數十人紗帽白衣
牽牛十餘頭駝布疋紙張如業商者然詢其所之則曰赴湯河
問何業則曰以紙布易參也以是知高麗所售之參確係湯河
秧參長白微縣城南大小廟溝等處有參園通化境內參戶種
植秧參運售營口爲土產大宗安圖按海貨係參行市語謂參
在山中老把頭所密誌者也

甘草 邊地生者勝盛京根大者重八七斤不等開通按甘草爲

洮南靖安開通瞻榆等縣大宗特產遼源縣爲運銷中心

五味子 爾雅謂之葶藶凡入藥以遼東子少肉厚者爲勝金史

地理志大定府出五味子一統志今奉天錦州二府及吉林皆

奉天通志 卷一百十 物產二 植物下 藥屬 四

有之盛京都司出明一統志縣東二道林子等山產色紫紅鐵嶺

白附子 一名節附俗呼兩頭尖母爲烏頭產遼地者通行遠省

金史地理志東京路遼陽府產白附子明一統志都司出盛京

縣東大康家莊子山產俗名黃烏拉花又名鼠尾草根名兩頭

尖鐵嶺

麻黃 諸山中亦產盛京麻黃金州者佳全遼似木賊莖有節洮安

志

柴胡 有竹葉韭葉之別蓋以質之柔硬分也不及延安所產之

良亦產前胡盛京鐵嶺者佳全遼產縣東熊官屯山俗名竹葉

茶鐵嶺產象牙山開原近時有一種根似桔梗沙參白色而大

市人以充銀柴胡殊無氣味不可不辨錦縣

茱萸 金史地理志大定府產茱萸今奉天東北諸山亦有之亞

於吳產通盛志京按金史地理志北京路產茱萸梳非茱萸也

細辛 一名少辛管子五沃之土羣藥生少辛是也醫家以遼細

辛為佳通行各省通盛志京邑東雞冠山產紫花根葉皆藥志鐵嶺

黃精 服食上品初生苗筆管菜通盛志京

赤芍 卽芍藥根亦有白者通盛志京長境產赤芍行銷頗廣存長志白微

金縷重樓 本草作蚤休明一統志重樓金縷長白山產按是草

生於深山陰溼之地亦名紫河車亦名草甘遂亦名三層草處

處有之未有採者通盛志京縣境龍岡白山支脈各陰溼之地處處

有之志輝南

艾 爾雅謂之冰臺通盛志京

奉天通志 卷一百十 物產一 植物下 藥屬 五

泉耳 卽詩之卷耳俗呼蒼耳子通盛志京其實多刺色蒼志鐵嶺

百合 根如蒜頭有瓣又一種卷丹子生葉間又山丹似百合而

小亦名紅百合根皆可食蓋一類三種惟百合入藥通盛志京可充

蔬兼入藥志鳳城

玉竹 似黃精苗卽小筆管菜鈎吻不同通盛志京

地黃 隨處自生高六七寸根長三四寸細如手指皮赤黃色曬

乾則黑志洮南

木通 一名通脫木通盛志京蔓狀灌木繞樹而生莖有細孔吹之兩

頭皆通者良大者徑三寸每榦分二三枝枝有五葉為掌形複

葉秋夏間開淡紫花結實長三四寸核黑瓢白食之甘美枝入

藥志安東

澤蘭 莖方節紫葉似蘭草而不甚香根名玉環菜山谷陰溼處

有生者通盛京志一名水香又名都梁香又名孩兒菊根名地筍蘇

頌曰莖榦青紫色作四稜葉生相對如薄荷微香通鑄縣志按通志

曰葉似蘭蓋述吳普說也

地丁 有紫花黃花二種通盛京志按卽蒲公英遼陽志俗名婆婆丁

車前卽詩之芣苢好生道旁布葉如輪俗呼車前菜抽穗結子

卽名車前子通盛京志

兔絲子 爾雅謂之唐蒙今豆田中多有生者通盛京志俗名黃藤子

甚害豆苗通遼陽志

桔梗 古名薺芘卽杏葉菜苗曰明葉菜根爲甘桔梗通盛京志桔梗

味苦象牙山摩里紅山皆產甜桔梗一名土桔梗味甘其苗俗

奉天通志 卷一百十 物產二 植物下 藥屬

六

名明葉菜開原志東山一帶皆有之甜桔梗名薺芘根似桔梗無

心鐵嶺志梗高尺許葉似杏葉四葉相對而生俗呼四葉菜夏開

小花秋後結子八月採根以有心者良通安圖志

五加皮 五葉交加故名宜瀆酒通盛京志卽刺拐棒皮通撫順志

貝母 花白葉似韭一名苗山林野藪間亦產知母秦艽半夏通盛京志

通安圖志安圖所產尖項有瓣四月生苗五月根實土人採掘獲利甚

多通安圖志長地所產頗堪適用售價年約四千串之譜長白微錄

秦艽 唐本草本名秦糾根作羅紋交糾者佳通瀋陽縣志

知母 產邑東熊官屯一名鈴鐺菜之根通鐵嶺志

半夏 韓飛霞有造麴十法通瀋陽志

商陸 卽易之莧陸處處平澤有之通盛京志生路旁故又曰當路縣

東諸山皆有之又名白昌草根鐵嶺志

牛蒡子 一名惡實葉亦可為火絨盛京通志

茯苓 生松樹下抱木者為茯神吉林烏拉大山中多老松茯苓

茯神及松香皆有之盛京通志生山中老松下輝南志又見遼陽縣志

遠志 苗名小草即詩之萸盛京通志有大葉小葉二種大葉者花紅

錦縣志產縣北高麗站俗名光棍茶根鐵嶺志

貫衆 葉圓碎一枝而衆葉貫之又名鳳尾草入藥用根盛京通志

地榆 葉似榆而長花可染色生於平原曠野盛京通志

石韋 生諸山中石上盛京通志生山石上有葉無莖狀如皮故名鐵嶺

志可採代茗遼陽志

衛茅 幹上皮薄旁展者如箭羽盛京通志

奉天通志 卷一百十 物產二 植物下 藥屬 七

石花 生石崖上如兒拳外白內綠遇雨則開形同側柏採置水

中經月如新即卷柏也盛京通志兼入於菸料鐵嶺志俗名萬年松鳳城志

志

四臺草 生東海岸土人珍之又龍膽草白蘚夏枯草白茅香山

谷中亦間生焉盛京通志按四臺草見吉林通志

龍膽草 產縣東康莊子山其葉經冬不凋鐵嶺志

白蘚 產縣東八家子等山即羊蘚草俗呼八卦牛鐵嶺志白蘚皮

名白羶又名白羊蘚又名地羊蘚此草根白色作羊羶氣錦縣志

夏枯草 產縣東趙家溝冬至後生夏至後即枯鐵嶺志亦芫蔚之

屬方莖白花遼陽志

防風 宋會要新羅出防風盛京通志山中盛產七八月間採之安圖志

產縣東山俗名屏風草平甸產者次之鐵嶺志

土黃連 愛輝產黃連皆雜烟莽中萎於霜雪無採刷者盛京志野

生莖長尺許洮南志根入藥味苦鎮東志

黃芩 有條芩有枯芩盛京志宿根外黃內黑者曰片芩新根內黃

者曰條芩安東志其苗名山茶根開原志

薄荷 揚雄甘泉賦作芟菹葉似荏而尖長香味不如南中所蒔

盛京志人多栽蒔宿根生苗野生者根葉氣味都相似錦縣志園圃

有之可代茶兼醬醃充蔬遼陽志嫩葉可茹七八月採以燒醬東安志

志

升麻 裏白外黑者名鬼臉升麻別有一種曰綠升麻盛京志其苗

俗呼苦龍芽鐵嶺志

奉天通志 卷一百十 物產二 植物下 藥屬 八

苦參 卽野槐根盛京志

丹參 色紫味苦產山谷陰處盛京志

獨活 一類二種節疏色黃者爲獨活色紫節密者爲羌活盛京志

俗呼喇叭筒子輝南志

白前 形似牛膝粗長堅實而易斷盛京志根長白色錦縣志

白薇 其形短小柔輒而能彎盛京志其根黃白色類牛膝而短小

錦縣志

白薺 蔓赤枝有五葉根如卵而長三五枚同窠一種曰赤薺盛京志

通志產東山根長而白鐵嶺志

大戟 色白不及浙產者之佳盛京志綿大戟色白根皮柔紉如綿

錦縣志

威靈仙 根叢鬚數百條長者二尺餘色黑俗名鐵腳盛京志產東

山俗名龍頭菜之根鐵嶺志俗名辣芡秧子鳳城志

紫草 山產粗而色紫紫梗園產者色鮮盛京志產邑東二道溝山

谷中三月採根可以染色鐵嶺志

王不留行 花如鈴鐸實如燈籠殼五稜多生於麥地盛京志

蒺藜 卽詩之茨蔓生野地又一種入藥者名沙苑蒺藜不多產

盛京志

瓜蒌 卽詩之果羸根卽天花粉前志載之今不多見盛京志此草

關左恆有種之爲藩籬點綴者蔓細而長葉如苦瓜而厚花似

王瓜而大果如甜瓜而小生色青綠八月熟深黃色取根擣之

淘洗出粉曰瓜蒌粉取子剖瓢名瓜蒌仁毛詩按瓜蒌天花粉

奉天通志 卷一百十 物產一 植物下 藥屬 九

俱見全遼志

海金砂 莖細如線葉紋縐處有沙盛京志

木賊 與麻黃同形諸山中亦產麻黃天南星諸藥盛京志俗呼劉

草鐵嶺志

白頭翁 草本色白盛京志產邑東熊官屯山卽野蘭花鐵嶺志卽貓

姑獨花撫順志

菟蔚 卽詩之菴今名益母草盛京志

葶藶 入夏卽枯亦如夏枯草禮月令孟夏靡草死卽此盛京志產

縣東大甸子平地卽狗芥草子鐵嶺志

篇蓄 赤莖節好生道旁可食錦縣志

藁本 山海經謂之竹菘盛京志一名藁芩山海經名藁芳本草綱

曰蘇頌曰葉似白芷香又似芎藭但芎藭似水芹而大藁本葉

細志 錦縣

蛇牀 花似水芹子如蒔羅爾雅謂之虺牀 通盛京志

蒼朮 一統志出廣寧者佳苗曰鎗頭菜 通盛京志 爾雅朮山薊郭注

今朮似薊而生山中又名山薑又名山連 通盛京志 俗名瓠場子粒

大如櫻兩端有尖莖有刺 通盛京志

牽牛 黑白二種又名黑丑白丑 通盛京志

三稜 次於荆產者 通盛京志

大小薊 花青紫多刺俗呼牛戳口有大小二種 通盛京志 大薊俗名

鎗刀菜高三四尺葉多刺不皺小薊高一尺許花紅如薊葉多

刺不皺呼為十針草 通盛京志

奉天通志 卷一百一十 物產二 植物下 藥屬 十

乾葛 春生苗引蔓色紫根形大如臂本草鹿食九草此其一種

通盛京志 見全遼志

一枝蒿 一名五龍草又有天仙子漏蘆寄奴草馬鞭草山谷間

悉叢生焉皆入藥 通盛京志

漏蘆 俗名毛骨突花花紫色下垂而有白毛春日原野中多有

之 通盛京志 鳳城

劉寄奴草 產邑東黃金屯卽烏藤菜一莖直上葉似蒼朮莖端

攢簇成朶小白花花罷有白絮如苦蕒之絮 通盛京志

馬鞭草 一名龍牙草又名鳳頸草 通盛京志 形似益母草開細紫花

子如蓬蒿而細 通盛京志 卽龍齒草穗形似馬鞭故名 通盛京志

老鶴嘴 蔓生枝間結角形似鶴嘴入藥治風亦可染皂 通盛京志

天仙子 子苞三角形粒細如沙淡紅色四月成志全遼

地骨皮 卽枸杞子根以冬令掘之入藥尤佳通盛京志

桑寄生 山中各樹多有寄生惟桑樹上者入藥通盛京志經冬不凋

其色長青又名冬青志鐵嶺

玄參 廣雅鹿腸玄參也通盛京志

豨薟 爾雅茺藟豨首卽今豨薟草金棱銀綫素莖紫葇可治風

症通盛京志邑東諸山皆有俗呼黏蒼子志鐵嶺

荆芥 有二種圓穗者荆芥扁穗者假蘇處處叢生明一統志遼

東都司出通盛京志

沙參 生海邊者細長堅實生山者次之通盛京志生沙地者根長尺

餘生黃土地者則短而小根莖皆有白汁志錦縣

奉天通志 卷一百十 物產二 植物下 藥屬 十一

馬兜鈴 根卽青木香通盛京志根微似木香大如小指赤黃色志錦縣

蔓生施樹間結實如鈴作四五瓣俗名桃筐志興京

藜蘆 苗類山葱俗呼嚏噴草通盛京志一名山葱又名葱葱生高山

者佳志錦縣產東山俗名山葱志鐵嶺

赤雹 蔓生如小瓜色正赤禮月令孟夏王瓜生卽此通盛京志赤雹

蔓生實如小瓜色紅俗呼氣包服之已噎志興京

金銀花 花黃白二色帶必成雙一名忍冬通盛京志又名雙花志岫巖

茵陳 因宿根而生故名通盛京志俗名萬年蒿宿根連生陳陳相因

故名志興京按遼陽志云二月茵陳三月蒿蒿根春初發芽掘地

採之則爲茵陳至三月卽爲蒿矣

蒿苣蓮 卽罌粟六月始花高尺許葉如蒿苣生黑龍江者單瓣

微紅中土人攜千層五色種布種輒變又名生菜蓮花有紅有

白子入藥

盛京通志

草烏 產邑東康莊子等山俗呼貓尾草之根其性燥烈

鐵嶺志 全

遼志方物中載之又見西豐縣藥品表

狼毒 本草綱目曰馬志曰狼毒葉似商陸及大黃莖葉上有毛根

皮黃肉白保昇曰根似玄參按各縣志多以貓兒眼睛草為狼毒殊誤貓兒眼睛草澤漆之別名也遼陽志考定甚詳

草決明 李時珍曰草決明即青箱子

血見愁 本草綱目曰地錦一名草血竭又名血見愁田野寺院

及階砌間之小草也莖葉細弱蔓延於地莖赤葉青紫色六月

開紅花結子黑色狀如蒺藜斷莖有白汁遼瀋間俗呼鋪地錦

奉天通志

卷一百十

物產二 植物下 藥屬

十二

透骨草 山產甚繁治筋骨氣溼

安圖志

產邑東諸山俗呼曰山豆

秧子

鐵嶺志

黃耆 根落地成蔓形葉有毛夏日開花淡黃色如蝶結莢似赤

豆根入藥

鳳城志

葉似槐葉花色黃紫結小莢長寸許根長一二

尺味頗甘八月採之

安圖志

又見臨江海龍洮南等處藥品表

淫羊藿 一根數莖高尺許葉有長柄花紫白二色狀如船錨根

葉俱入藥

鳳城志

又見臨江藥品表

紫苑 產邑東大甸子即圓葉菜之根

鐵嶺志

又見柳河桓仁志稿

續斷 俗名串龍骨之根

岫巖志

馬勃 一名馬疔又名馬竅勃生溼地或園中久腐處韓文所謂

牛溲馬勃俱收並蓄者是也

錦縣志

產邑東昂邦河等處平地形

似蘑菇彈之有紫灰出鐵嶺志

山豆根 邑東諸山皆有之蔓生如大豆稽鐵嶺志

百部 山野處處有之春生苗作籐蔓葉大而尖長似竹葉根多

成百故名鐵嶺志

獨腳蓮 名鬼白又名瑤田草葉似芋葉而大面青背微紫花在

葉下人家園圃中有種之者五月埋根秋後掘出次年復種滄縣志

志

鹿角 煎爲膏入藥亦有用骨作膠者松漠紀聞鹿角鹿頂合燕
以北方可車須是未解角之前才解角血脈通好者有人字不
好者成八字有髓眼不實北人謂角爲鹿角合頂爲鹿角合南
鹿不實定有髓眼不可車北地角未老不至秋時不中麋角與

奉天通志 卷一百十 物產二 植物下 藥屬

十三

鹿角不同麋角如駝骨通身可車卻無紋鹿頂骨有紋上下無
之亦可熏成紋盛京通志

鹿茸 角之初生者方書麋茸補陽鹿茸補陰今入藥者但言鹿
而不及麋盛京通志 牡鹿之角杈枒如枯株長及其體量之半新角

挺生舊角乃脫時頂之兩角形如覆匏是名鹿茸鹿於此際愛
護其頂更逾平時逮及初夏新角已長成雙歧形如鬢髻斯時
血液充滿最爲佳品獵人用機阱或用炸餌炸餌者何以炸藥
裹入香餌之中吞食則唇飛顎裂如用鎗擊鹿中彈時竄躍茸
多碰撞崩裂得之乃並頂骨割下溫水微煮令茸之液汁凝固
方可出售若家畜之鹿每歲鋸售品質殊遜卽宰殺之其效用
亦較獵自山中者遠甚馬鹿大如驢馬毛色黃灰而無白點其

茸較花鹿價廉倍蓰吉林地要鹿茸其形不一有佛手仙人掌王

瓜茄苞馬鞍四叉八叉之分桓仁志茸長二三寸時分歧如馬鞍

最佳鳳城志

鹿胎 膾者多屬鹿胎安圖志

鹿筋 金史地理志復州舊貢鹿筋盛京通志

牛黃 舊唐書開元十一年新羅來獻牛黃盛京通志多於牛膽中得

之狀如鷄子黃其形方圓大小不一各肖狀為名大者最貴得

時陰乾令燥入水則破遼陽志鳳城志同

熊膽 類牛膽而系甚長鳳城志全遼志藥類有虎掌虎骨熊膽鹿

茸鹿角霜鹿角膠等名

石決明 宋會要新羅出石決明盛京通志見介屬

奉天通志 卷一百十 物產二 植物下 藥屬 花屬 十四

無名異 俗呼土子盛京通志產平地河窪土中土精成之鐵嶺志

鍾乳石 生山洞中盛京通志

滑石 明一統志出海州衛今海城縣出者良盛京通志東南諸山皆

有此石為礦產大宗海城志出北鎮樓村溝鳳城志滑石產蓋平至

海城一帶山間滑石嶺距海城四十里馬峪海城西南四十里

楊甸子海城南三十六里賈家堡子宋家堡子均海城南三十

二里窰子峪賈家堡子南八里聖水寺大石橋南十五里李家

屯大石橋東南十五里皆著名產地徵訪冊

花屬

杏 春夏間如錦繡較南方稍遲黑龍江杏李無成樹者地氣寒

也盛京通志葉似梅差大花未開色純紅開時色白微帶紅至落純

白矣花五出錦縣志

桃花 花有紅白粉紅諸色千山最勝又有碧桃花一種盛京志

芳譜曰桃花種最多其可供玩者莫如碧桃元楊載謂其清絕

無倫錦縣志按碧桃花白而瓣繁不結實

李花 春暮放花蕊細如雪種亦不一盛京志葉綠而多花小而繁

色白錦縣志

梨花 千山最勝每春望之如香雪海盛京志葉似杏微厚大而硬

花白如雪六出錦縣志

棠梨花 黑龍江郊圃間皆有之士人繫繒條於上曰神所憑伏

臘祠之有戕其枝者則怒盛京志葉邊有鋸齒開白花遼陽志

丁香 紫白二色生山原者名野丁香盛京志熱河志曰塞外所產

奉天通志 卷一百十 物產一 植物下 花屬 十五

有一樹二色者不由接植偶然得之士人名鴛鴦丁香然不多

有錦縣志皆山丁香紫色居多安東志山多丁香味稍薄長白錄

垂絲海棠 有絲下垂一種曰貼梗植者甚稀盛京志有數種花小

色深紅緊著枝上者曰貼梗花梗細長者曰垂絲皆重瓣不結

實單瓣結實者曰西府安東志櫻桃接貼梗則成垂絲梨樹接貼

梗則成西府接以木瓜則色白錦縣志

牡丹 紅黃兩色俱有之契丹國志渤海富室往往為園池植牡

丹多至二三百本有叢生數十幹者皆燕地所無盛京志有黃紅

紫白四色秋分時分根栽種灌溉喜用黃酒本境土性最宜復縣志

諸色不一重瓣有徑七八寸者近海諸處頗繁盛北部冬多

烈風必須土壅鳳城志初夏盛開惟冬寒重必須厚壅來春方茂

遼陽志

薔薇 有紅白二種盛京通志本多刺花有純紅粉白二色單瓣者甚

多安東志

玫瑰 紅者可入食品黃者花微小俗通呼刺玫瑰野開者花皆

單瓣色紅紫赤名山刺玫盛京通志灌生細葉多刺類薔薇色淡紫

青蒂黃蕊嬌豔芬馥黃者花小香清野生者製餠蒸露浸酒風

味尤勝安東志山陽水淀在在皆是紛紛墜地無人採擷長白微錄

茶藨 本作醱醱蔓生多刺有粉白二色初夏開花重瓣氣味芳

馥色似醱醱酒故名安東志

山杜鵑 多在山崖石壁間枝少花繁一枝數萼三月開花如羊

躑躅而蒂如石榴有紅紫諸色紅者較多移植園庭花亦繁茂

奉天通志 卷一百十 物產二 植物下 花屬 十六

安東志開時有黃綠小葉花較山躑躅而大淡紅色鳳城志

山躑躅 俗名映山紅三月開五瓣花紅白二色花後生葉鳳城志

木槿 朝開暮斂卽詩之舜華盛京通志落葉小灌木葉爲楔形三裂

互生花五瓣如蜀葵色紅白紫皆備安東志

馬纓 花如絨一名合歡其葉晝舒夜捲盛京通志枝甚柔弱葉纖密

圓綠似槐而小相對生至暮而合枝互相交結風來輒解不相

牽綴五月開花如蘸暈線下半白上半肉紅散垂如絲至秋而

實子作莢子極薄細錦縣志俗呼馬絨花開原志

百日紅 木本花如丁香盛京通志紫薇一名百日紅四五月始花六

瓣色微紅紫縐蒂長一二分每瓣又各一帶長分許蠟附茸萼

赤莖葉對生一枝數穎一穎數花錦縣志

珍珠花 葉狹長邊有鋸齒三四月結蕊成穗如糜子而稍大開

小白花繁密攢聚鐵嶺志 熟河志曰白花叢開如珠續宣鎮志曰

樹高丈餘花與白丁香相似珍一作真宋張舜民楊選齋皆有

詠真珍花詩錦縣志

榆梅 枝葉如榆粉花如小桃紅逐枝開於葉間鐵嶺志 畿輔通志

曰葉似榆花開如紅梅故名枝柔可以編籬錦縣志

紫藤 方夏而花貫珠纓絡每一鬣一串下垂碧葉中端端向人

蕊則豆花色則茄花錦縣志

陰繡毬 羣芳譜曰繡毬木本百花成朶團圓如毬近時園圃所

植花初開粉紅老則青白宿根生芽出嫩枝無成樹者喜陰惡

日錦縣志 葉卵圓形微縐色深綠夏開小花五瓣攢聚成團初開

奉天通志 卷一百十 物產二 植物下 花屬 十七

色白或淡紅漸變為藍紫色安東志

紫荊 一名滿條紅叢生開紫花甚細碎數朶一簇無常處花罷

葉出城東紫荊山以產紫荊得名見盛京通志錦縣志

金絲桃 羣芳譜曰塞外遍地叢生六七月開花花五瓣如桃而

色鶯黃心微綠莖起處一苞有綠盤盤出五花開則俱開心有

黃鬚鋪散花外若金絲然以根下劈開分種易活錦縣志

夾竹桃 花五瓣長筒瓣微尖淡紅嬌豔類桃葉狹長類竹故名

錦縣志 夏秋間枝頭叢生花朶繼續開放色類桃花人皆呼為柳

桃以葉似柳歟安東志

小桃紅 花色紅亞於碧桃盛京志 葉如櫻桃花紅色瓣層極多安東志

志